

Jossy Figaroa dir di DOW E proyecto di Green Corridor ta on hold por lo pronto



E proyecto di Green Corridor ta bai on hold p'e momentonan aki. Un grupo cu no a ser permiti pa entrega nan oferta na ora a keda afo y e compania a cana su caminda legal. Huez a dicta sentencia y ta haya cu mester reevalua y tuma e oferta di e grupo cu a demanda tambe. E dos gruponan ta Odinsa y Vercas. Ing Jossy Figaroa director di DOW a splica cu nan ta basta tempo caba cu e proyecto di Green Corridor, caminda sector priva pero tambe gobierno ta bai ehecuta e proyecto. Nan a selecta tres grupo cu tabata interesa. Na final a yega na un dialogo cu e gruponan pa mira con e proyecto ta bai wordo ehecuta. A yega e momento pa un Bid y esaki mester a wordo entrega. Algun dia prome cu e Bid a haci peticion pa kita un trabao for di nan y asina entrega e trabao completo. E grupo Odinsa tabata tey na ora y Vercas no tabata na ora. E grupo Vercas a yega lat y a keda afo. Vercas a bai corte y nan a perde den prome instancia y a dicidi di bai Hoger Beroep. Aki otro sentencia a cay pero na fabor di e compania. Huez a compronde cu nan a jega laat pero di otro banda mester tene cuenta cu diferente factor cu ta haci cu no tabata rasonabel

pa tene nan afo di e bid. Huez a splica cu desde diabierna mester a haci cambio y ya caba dialuna mester a entrega tur cos. Tur e cosnan aki a ser splica na tres huez y dicon a yega laat. Huez ta haya cu no ta razonable pa descualificanan. Minister lo manda un carta pa e dos gruponan pa notificanan riba sentencia y lo evalua un biaha mas e proyecto. E compania cu gana e oferta lo bai banco pa asina cuminsa busca e manera pa logra yega na e placa necesario. Ing Jossy Figaroa a splica cu tin maneranan pa cuminsa mas trempan y no keda warda riba henter e proceso aki te bandi mei/juni. DOW a kere cu pa November caba tur cos lo mester a keda cla pa nan por a cuminsa. Henter e problema cu casonan den corte a trece sigur dos luna di retraso pa e Green Corridor. Ora cu e situacion a presenta a warda e oferta den kluis y e compania Vercas su oferta ta den kluis, pues awor lo sak'e for di den kluis y sigui traha. Regla ta regla pero den e caso aki ambos banda lo a lanta caso dependiendo di e resultado. Si a par'e tabata core riesgo y si a sigui cune tambe, pues DOW tabata den un situacion poco fastioso